



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

IZVJEŠTAJ O RADU

UDRUŽENJA PSIHIJATARA U BOSNI I HERCEGOVINI

za period oktobar 2007. - septembar 2010.

Ovaj izvještaj se zasniva na hronologiji aktivnosti u periodu između prethodne, Osnivačke skupštine do današnje Prve redovne Generalne skupštine Udruženja.

Osnivačka skupština Udruženja psihijataru u Bosni i Hercegovini (UPuBiH) održana je tokom Drugog kongresa psihijataru Bosne i Hercegovine sa međunarodnim učešćem u Sarajevu, **20. oktobra 2007.** godine, nakon pripremnog perioda za istu preko godinu dana. U periodu do Osnivačke skupštine UPuBiH posebnu energiju i entuzijazam iskazali su i glavni inicijatori osnivanja krovnog stručnog udruženja psihijataru u našoj zemlji: *Prof. dr sc Ismet Cerić, Prim. mr sc dr Nermana Mehić-Basara, Prof. dr sc Marija Burgić-Radmanović, Prof. dr sc Abdulah Kučukalić, Doc. dr sc Dragan Babić, Prof. dr sc Izet Pajević, Prim. dr Joka Simić i Prim. mr sc dr Alma Džubur-Kulenović*, a naročito u pripremi, organizaciji i održavanju Osnivačke skupštine UPuBiH. Na osnivačkoj Skupštini kojom je predsjedavao Prof. dr sc Ismet Cerić, prisustvovao je veći broj psihijataru i neuropsihijataru iz cijele Bosne i Hercegovine, kada su izabrana rukovodeća tijela UPuBiH.

Za prvu Predsjednicu UPuBiH izabrana je Prof. dr sc Marija Burgić-Radmanović, a Generalne sekretare Prim. dr Joka Simić-Blagovčanin i Prim. mr sc dr Alma Džubur-Kulenović. Kao prioritetni zadatak postavljena je registracija Udruženja u Registar nadležnog Ministarstva. Ta procedura je završena **17. marta 2008. godine**, od kada je UPuBiH i zvanično upisano i registrovano kao Udruženje/Udruga psihijataru u BiH, dobrovoljna organizacija profesionalaca koji se bave oblašću psihijatrije i srodnih medicinskih nauka, kao krovnog udruženja svih psihijataru i neuropsihijataru u zemlji. O zvaničnom osnivačkom aktu i započinjanju rada nacionalnog Udruženja obaviještena je Svjetska psihijatrijska asocijacija (WPA), te je UPuBiH nastavilo kontinuitet članstva Psihijatrijske asocijacije Bosne i Hercegovine u tom najznačajnijem stručnom udruženju na svijetu, kao punopravni član (Member Society). Sredinom 2008. godine, Generalni sekretar iz Republike Srpske (Prim. dr Joka Simić-Blagovčanin) podnijela je ostavku iz privatnih razloga. Drugi Generalni sekretar je od tada Dr Goran Račetović.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

U decembru 2008. godine na inicijativu Predsjedništva UPuBiH održan je sastanak Rukovodećih tijela UPuBiH u Doboju, na kome su prisustvovali članovi Predsjedništva, Generalni sekretari, te dio članova Upravnog i Nadzornog Odbora UPuBiH. Na tome sastanku doneseno je više odluka, prije svih ona o aktivnijoj promociji i organizaciji Udruženja sa ciljem dobrovoljnog učlanjenja što većeg broja psihijatarata i neuropsihijatarata iz BiH u Udruženje, uz uvođenje i kvalitetnije evidencije baze podataka o članovima, putem Pristupnice za članstvo u UPuBiH. Osnovu finansiranja UPuBiH predstavljala bi članarina koja se uplaćuje jednokratno, za tekuću godinu i obnavlja početkom naredne godine. Takođe, donesena je i odluka da se pristupi i aktivnijem obavljanju članova Udruženja o svim novostima iz psihijatrije pravovremeno, sa naglaskom na stručnim novostima, edukativnim i naučnim stručnim događajima, i sl. Isto tako, da se kao jedna od prvih velikih aktivnosti nastavi sa održavanjem prekinute tradicije održavanja Psihijatrijskih dana, kao godišnjeg Simpozijuma UPuBiH, čiji bi UPuBiH bilo glavni organizator, te aktivno obnovi i nastavi saradnja i aktivnosti u WPA.

Već početkom **2009.** godine pokreće se i šira promocija UPuBiH, te se tokom te godine učlanjuje **46** članova, kao solidan temelj postepenog povećavanja broja članova u godinama koje slijede. **Deveti psihijatrijski dani** su uspješno organizovani i održani u martu 2009. godine u *Banjoj Luci* o čemu su obaviješteni domaća i svjetska stručna javnost i imali su visoki stručni kvalitet i međunarodni-regionalni karakter. Tokom godine u nekoliko navrata su održani radni sastanci Predsjedništva i Generalnih sekretara udruženja na kojima su razmatrani rezultati aktivnosti i dalje smjernice za proširenje istih. Saradnja sa WPA podignuta je na viši stepen, uz redovnu korespodenciju sa Sekretarijatom i Predsjednikom WPA. Tokom te godine za novoosnovanu sekciju WPA *Early Careers Council* iz UPuBiH je odabrana *Dr Amra Delić* iz Tuzle, sa aktivnim učešćem u radu tog tijela. Članovi udruženja su redovno dobijali sve novosti iz WPA, periodična on-line izdanja časopisa *World Psychiatry*, te smo se uključili i angažovanje u pripremu i doprinose *WPA Media Channels* a i prihvatili smo prijedlog iz WPA o aktivnom učešću u diseminaciji pripremljenih dokumenata u projektu WPA i WHO vezanih za *Reviziju MKB-10*. Članovi Udruženja su imali redovne informacije o svim psihijatrijskim događajima u svijetu i učestvovali na velikom broju istih.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

U **2010.** godini smo nastavili sa započetim aktivnostima kroz dalju promociju našeg Udruženja u zemlji, ličnim ili službenim inicijativama. Usaglašeno je mišljenje i načinjen *logotip* Udruženja, te se započelo sredinom godine i aktivnije tražiti najpovoljnije rješenje za pokretanje internetske stranice Udruženja. UPUBiH je bilo glavni organizator **Desetih psihijatrijskih dana** u *Banja Vrućici kod Teslića* u martu 2010., sa ponovljenim uspjehom tog simpozijuma od prethodne godine, te ove godine i **koorganizator** još tri domaća događaja: *Prvog alkohološkog simpozijuma BiH sa međunarдным učešćem u Tuzli* (april), *Sedme mostarske psihijatrijske subote* (juni) i *Četvrtog simpozijuma biološke psihijatrije/psihofarmakologije BiH u Bihaću*, za kojeg članovi UPUBiH imaju redukovanu kotizaciju za 50%. Svi ovi događaji su proglašeni psihijatrijskim zbivanjima prvog reda za UPUBiH. Na Desetim psihijatrijskim danima je i zvanično promovisan logotip našeg Udruženja.

Početak godine svi članovi su dobili *listu značajnih psihijatrijskih događaja* u zemlji, regiji i širom svijeta, a svi novi članovi UPUBiH su je dobili nakon učlanjenja. Dopune tih i drugi na listi navedeni događaji redovno su elektronskim putem prosljeđeni članovima. Tokom godine broj članova se povećao na **92** (duplo veći broj u odnosu na 2009. godinu), što je za drugu godinu ovakvog načina rada za nas veoma zadovoljavajući rezultat, a članovi Udruženja su iz skoro svih dijelova BiH (Sarajevo, Banja Luka, Mostar, Tuzla, Brčko, Prijedor, Breza, Modriča-Jakeš, Lukavac, Gradiška, Trebinje, Zenica, Dobož, Srbac, Milići, Sokolac i Istočno Sarajevo). Napominjemo da je članstvo u Udruženju na dobrovoljnoj osnovi, kao jedna od temeljnih statutarnih odluka. Struktura članstva je na zavidnom stručnom nivou: jedan Akademik, 10 profesora Medicinskih fakulteta, 7 doktora medicinskih nauka (od kojih je 6 docenata), 17 magistara medicinskih nauka, 12 ih je sa primarijatom, te 18 mladih psihijatara i neuropsihijatara i 10 ljekara na specijalizacijama iz neuropsihijatrije i psihijatrije.

Tokom svih simpozijuma u zemlji postojala je mogućnost i *direktnog učlanjenja* u UPUBiH tokom istih, što se pokazalo i praktičnim i uspješnim rješenjem. Početkom maja 2010. godine Predsjednik UPUBiH za period 2010.-2012. postao je **Prof. Dr Izet Pajević**, dok je dotadašnja predsjednica UPUBiH Prof. dr Marija Burgić-Radmanović postala Potpredsjednicom UPUBiH, u skladu sa Statutom UPUBiH.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Nastavljena je intenzivna i uspješna **saradnja sa WPA** na više polja: aktivna participacija u *Media Channels WPA* kroz redovno obavještavanje svjetske psihijatrijske javnosti o stručnim događajima u Bosni i Hercegovini u ovoj godini, među njima i najave održavanja Generalne skupštine (Predsjednik i Generalni sekretari), potom aktivna participacija našeg predstavnika u *WPA Early Carrer Council*-u na telekonferenciji sa Predsjednikom WPA Prof. Mario May-om i po pozivu Prof. May-a na međunarodnom kongresu WPA u Sant Petersburgu, intenzivirana je *prevodilačka aktivnost* članova UPuBiH u vezi Preporuka WPA o ranim intervencijama kod prve psihotične epizode (Generalni sekretari), Depresije i šećerne bolesti i Depresije i karcinoma (Dr A. Delić, Dr G. Račetović), te prve ankete za članove psihijatrijskih asocijacija koje su članovi WPA o *Reviziji MKB-10*, projekta WPA i WHO (Prof.dr M.Burčić-Radmanović, Dr G.Račetović), koja je u prevedenoj formi poslana svim članovima UPuBiH elektronskim putem, uz ponavljanje iste po utvrđenoj metodologiji tog istraživanja od strane WPA i WHO kao nosioca istraživanja, dato je naše *mišljenje* o aplikacijama više nacionalnih asocijacija i drugih organizacija u članstvo WPA (punopravno ili pridruženo-Predsjedništvo UPuBiH). U redovnoj korespondenciji sa WPA dobili smo više pohvala za efikasnost u preporučenim ili predloženim aktivnostima i izuzetnu aktivnost u radu WPA.

Tokom godine održana su i dva radna sastanka Predsjedništva i Generalnih sekretara UPuBiH, sa nekoliko odluka koje su sprovedene ili je njihovo izvršenje u toku, poput započinjanja izrade web stranice UPuBiH, početnih priprema za 11-te Psihijatrijske dane 2011., prvih priprema Trećeg kongresa psihijatara u BiH sa međunarodnim učešćem 2012. u Tuzli, prve Generalne skupštine UPuBiH i pripremnih pregovora o uključivanju UPuBiH u Evropsku psihijatrijsku asocijaciju (EPA). Pripremljena je i lista psihijatrijskih događanja u 2011. godini, koja će se distribuisati elektronskim putem svim članovima UPuBiH. Veći broj članova UPuBiH i u ovom periodu je aktivno ili pasivno participirao na većini stručnih događaja širom svijeta.

Takođe smo se oglasili u javnosti saopštenjem u vezi sa prisilnim smještajem počinioca teških krivičnih djela sa dijagnostikovanim psihičkim poremećajem u zdravstvene ustanove otvorenog tipa, dajući svoj doprinos rješavanju tog značajnog problema u našoj zemlji.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

U periodu do naredne Generalne skupštine Udruženja nadamo se daljem proširenju aktivnosti, uz angažman većeg broja članova i dalje povećanje broja članova UPUBiH, te nastavak promocije Udruženja i njegovih aktivnosti u cijeloj zemlji, kao i uspostavljanje bližih i partnerskih veza sa srodnim asocijacijama i organizacijama u regionu i širom Evrope i svijeta, te aktivno participiranje na predstojećim domaćim i internacionalnim skupovima.

Br. 07/2010.

Bihać, 15.10.2010.

Generalni sekretari UPUBiH